

kaʊsayu

'o kaʊsayu, ta 'oyona ta cou ne noana'o, malac'o 'aɲpɯnpa peela aiti,
lato na'na cohivi at'ingha o'alato a'umta no hongha, zou to lato maeengha,
mo nana mais'a 'o vasavi ho miunga, ohela nana hafa no maaya ho uhta
taivang ho poa emu'neni.

ta ma'o'oyona ta cou, 'o lato cohivi ci evi no kaʊsayu, mo tuyu no
mav'ov'o-- zou kaʊsayu no noe'in'i, kaʊsayu no sumcu ho kaʊsayu no ana.
zou kaʊsayu no noe'in'i 'o lato aatva'esa na'no emu'a, ko'ko latoc'o
yainca-- "kaʊsayu no aulu", honcic'oeno yainca--"kaʊsayu" ci 'aeno eni 'e
isi yainca.

i'ola peela ana ci kaʊsayu, 'alas'a lua aiti te, ci mais'ac'o 'omo atva'esi
noyovcu ci ceonu ta hosa ta tapangu, zou to evozasi 'o panto, ac'uhu tacu
maitan'e 'a panton'a! zou 'a a'umtu! ahoi ne mo'un'ala oko ho yainca
no 'tohangu'u, lahe yainca to mamameoi-- "la peela ana ci kaʊsayu",
teenana a'umta peela anaa? zou ac'uhucu maitan'e, o'a mocu la'us'a ahta
a'umta cohivite, tenana a'umta peela ana? tee mainenu hoci okvo'u? teno
ahtu o'te cong'e buyo hocu poesoso, aovaho hoci mahi'o!

'e evi no kaʊsayu ta totoava, ahoi to taico si to feohuno 'supta lac'u

ahoi buvnu, asonu to taicosi to feohuno 'eema tac'u aepungu 'o buvnu si,
homo atva'esi man'i 'o buvnu si, 'alano'so aucunu fuecu'ia(fuecu'za) 'o
mauhcuhcuyu ho mafufuengu, ko'ko lahe yainca to khe'eanga
zou "yuhono 'eema". zou ta cou, 'omo atva'esi sooman'a ci buvnu no
kaʊsayu 'ai'one oi'ana, ho isi sobaki 'o mamimiobako to apihana, mala
a'umtu yonghu ho isi aiti!

ne noana'o ho tac'u kahkumnu 'o evi si, 'a tatocu no teoca, lato emu'i
to keetue ho ito koyu, la asonu totueha, zou ho tac'u na'nocu cmufeu 'o
kononutnu, 'ana tenas'a zouho cmufeu 'o koyu si, 'a tato cuno poi(poezi) ho
ti'oe'mi'mi hocu teai tuapiu(tuapzu), zou 'emo maica ci evi, 'a latos'a ake'a
a'hi'hisa te, tacu no maitan'e 'ana latos'a na'no emum'u to koyu, ko'ko
micu eno mais'a 'o pcuu hocu na'no man'i ta ma'o'oyona to, aovaho tala
momu'eihe ci oi'ana, la a'umtu na'nohe yu'u'umni ho na'no yosku 'o
kaʊsayu si, 'oa la'so a'umtu na'no koa yonghu ta ma'o'oyona to, mo
maica 'e lato hia bohbohngu ta kaʊsayu.

(文章大意 僅供參考) ※字數限 200 字

油桐

油桐，早年在鄒族社會隨處可見，我們非常熟悉但不太認識它，鄒族部落地區，我們所認知的油桐有三種：軟質油桐樹、硬質油桐樹及可以吃的油桐樹；而軟質油桐樹最常種，我們稱為「真正的油桐」。

油桐樹，每年從四月中旬開花，約到五月中花期結束，盛開時期，整片山都是雪白色，客家人稱之謂「五月雪」。以前油桐樹長粗後，我們就會砍伐種木耳及香菇，現在不再砍樹種菇，所就跟欒樹一樣很多，更添部落的美麗，這是我們對油桐樹的理解。